

نومرو : ۷۲

اجتهاد

اداره خانه

ایستانبول ، جفال اوغلنده

دائرة اجتهاد

Idjtihad Constantinople

دوردنجی سنه

حریت فکریه یه خادم

پنجشنبه کونلری چیقار اجتماعی، ادبی مجموعه

مدیر مرخص : الرامی صفا

۱۸ تموز ۱۳۲۹

آبونه

سنه لك آلتی آیلق

تورکیا ایچین ۴۰ غروش ۲۵ غروش
ممالک اجنبیه ایچین ۱۰ فرانق ۶ فرانق

نسخه سی ۵۰ یاره

چنکیز خسته لغی

(اللهک یدعدل وانتقامی) دیدم. اوت، جلادده جمعیتک
 اولیه بر شئی در. چنکیز، بویویه بیلیر، چنکیز جهانک هر
 طرفه مستولی وصاحب اوله بیلیر، چنکیز کندندن اول
 و صوکره کیش وکله جک اولانلرک هپسنه احراز تفوق ایتک
 املنی حرکتک ناظم و حاکمی مرتبه سنه اعلا ایدیه بیلیردی.
 هم افراد، هم اقوام ایچون آمال نمائله نک معیوبیتنه هنوز
 تاریخک محکمّه مهیه سندن بر حکم صدور ایتمشدیر.
 فقط کچدیکی یرلرده عصرلردن بری خرابه لر آغلایان
 جهانسوز بر جهانگیری هر محکمّه وهر تاریخ تلین ایدر.
 چنکیز، او بدبختک نامی دکل، صوکره دن بالا اختیار
 اتخاذا ایتدیکی عنواندر. ومعناسی ده (بی امان) در.
 اصل اسمی (تیوجین) ایدی. بزده وطن محبتک فضائل
 اجتماعیه دن اولدیغی الاول اعلان ایتمش اولان اعظم مزدن
 نامق کمال بکک بو خاقان بی امان حقنده کی قناعت وجدانیه سنی
 بیلیمک ایسترمیسکیز... ایشته :

هیچ شبهه یوقدرکه آتی بیک یوقدر سنه لک عالم انسانیتک
 مبتلا اولدینی دواهی ایچنده طوفاندن صوکره اک شدتلی بلا
 استیلای تاناردیر. چنکیز کی، قاپلاندن یرتیخی، بیلاندن خائس،
 شیطاندن مدسس بر رئیس جبارک سائقه آمال خونخوارانه سیله
 [قره قروم] صحرالردن آسیانک هر طرفه یاییلان ملیون ملیون
 وحشیلر، مملکت ییققمده، انسان تلف ایتکده طوفاندن بیله
 کری قالیر آفتلردن دکلدی.

طوفان کبیر طوفان ماء ایسه، ظهور تانارده طوفان
 آتش ویا طوفان خون دنیلسه شایسته در؛ چونکه برفرقه سی
 بر شهره هجوم ایسه بهمه حال یرینده کمیک ییغنددن، بنا
 خاکسترندن بشقه بر شیء قالمزدی.

بر اردوسی بر صحرایه اوغراسه، البته آتلی دیز قاپلرینه
 قدر قان ایله یوغورلش چاموره باتمه دن کچزدی. [۱]

نامق کمال مرحومک مجاهدات قلمیه سنه اک بیوک
 موضوع وهدف چنکیز اولمش وتوصیفاتک برنده
 (شرك قدر ملعون) دیمشدی.

[۱] نوروژ بک ترجمه حانک مقدمه سندن

احمد احسان بکک همت قلمیه سیله لسائمه نقل ایدلمش
 اولان (ژول ورن) رومانلردن برنده او قومشدم :
 انکلیزلر مستملکاتده بولنان زیر دستانه جغرافیا تدریس
 ایدرکن، انکلیزه بی قطب شمالیدن قطب جنوبی به قدر
 سراپای کره یه حاکم وصاحب وفرانسه یی، آلمانیایی،
 روسیه یی، چینی، ژاپونی، آمریقای، آفریقای، حاصلی
 بالعموم قطعات وممالکی بریتانیا دولت وحیده سنه تابع
 ویا منتسب کوسترلرلمش. بونک نه قدر طوغری اولدیغی
 بیلیم. فقط ملیت فکرینی ترکلر ایچون غایه خیالی
 درجه سنه اصعاداتک املی آفاق عثمانیه داخلنده وجودینی
 احساس واعلان ایتدیکی کوندن بری بزده ده ژول ورنک
 انکلیزلره اسناد ایتدیکی جغرافیا تدریساتنه قریب وپک
 غریب مضحک لر اوینانیور.

مظالم بی پایانک فهرست اجمالی اولان نامی یدی یوز
 یوقدر سنه دن بری هر مسلمانک وهر تورکک جنان
 وخاتمانده ایقاپ خوف ونفرت ایدن بر آدمک روحندن
 بوسوک زمانلرده مسلمان و ترک کنجلی استمداد ایتکده
 باشلادیلر. وبالقان دولتلری صلیب بدست اهانت، خلیفه
 اسلامک پایتختنه صالیدررکن عثمانلی و ترک کنجلیلردن
 بعضیلری،

(یتیش، ای اولو خاقانم چنکیز !)

کبی هم مضحک، هم فجیع غرابلر کوستردیلر. بور
 ضلال مضر ومهلکدر. شرق، حالا ایچنده قیورانمقده
 اولدینی حفره مصائبه هانکی آلرله آتیش اولدیغی بیلیمز
 ویا او آلرله اسناد قدسیت ایلرسه امید نجات وسلامتده
 آفاق شرقدن اوتانه رق و آغلایه رق فرار ایدر. کنج،
 اختیار، هر کسه اعلان ایدرم که بنم ملیتمی خراب ایتیش
 اولان دست تعدی، اللهک یدعدل وانتقامی اولسه
 ینه نجه نامقبولدر.

شمس الدین ساحی بك دیوركه :

چنكيز غايته خونريز و ظالم بر آدم اولوب . اك زياده تلذذ ايتديكي شئي بيكناه آمارك و اطفال و نسانك دخي قاتي دوكمكدي . عسكري مجردا كلنجه ايجون دخي آدم اولديرلردي . وكنديسي ضبط ايتديكي يرلرك اكثرنده عموم اهالي ي قليجدين كچيرمك امريني ويردي . آلتی يوزسنه طرفنده نيجه امكلره وجوده كلش ، وحق قبل الاسلامكي اقوام وامدن دخي قالمش نيجه آثارعمراني ، نيجه كتيخانه لري ، مدرسه لري ، رصدخانه لري احيايلمشدر . علما ووكلاي اسلامك اكثر آثار مفيده لرينك اليوم مفقود وناياب اولسي باشليجه چنكيز ايله اولاد و احفادينك وبولرك تحت امرنده اولان مغول طائفه وحشيه سنك ممالك اسلاميه ده اي قاع ايتدكلري تخريبات جانسوزك نتيجه سي در... [۱*] چنكيزي بالعموم رجال دينيه و مليه مزك فوقه اصعاد ايتك ايستينلري ، دوشدكلري ضلال ديني و مليدن قورتارمق فرضدر . چنكيز و قتيله شرقدن تسلط ايتسه يدي ، بوكون روسيه شمالدن ، انكلتره جنوبدن آسياني ضبط ايتمز وام القطعات اولان بو بدبخت قسم ارضك اك كوزل و اسلامسكون اقسامني ربقة اسارتده ذيلانه سوروكزلردي . سليمان شاهي دار وديارندن بو طرفلره قاچيران كيملر اولديغني ده عثمانلي كنجلري بيلميورمي ؟ .. بزم طمرلر مزده بوكون خصوصي برقان واراك اوده عثمانلي قاني در . ولسانمز كي خون مليمزده برحق اختلاط واصطفاء ايله اصلندن بستان آيرلمشدر . هله تانار و مونغوللره قرابت نسيه مز او قدر ضعيف ، او قدر و او قدر موهوم كه

سليمان تظيف

قاموس الاعلام — جلد ۳ — صفحه ۱۸۸۱ و ۱۸۸۲

كتبنامه

تاريخي سيالر — احمد رفيق بكك قيمتدار بر اثر تاريخيسيدر . عثمانلي تاريخنه عائد مختلف مباحثي احتوا ايتديور فثاني ه غروش .

توركي ايجين تجارت واعتلا يوللري — هاشم ناهيد بكك فيثاني ۱۰ غروش . فرانسه اختلال كبري — مصور و مفصل در . علي رشاد بكك اثری در . فيثاني ۲۰ غروشدر .

چنكيزك وجودي كي سلطنتي ده انسانيته بلا و تسليط ايدن والدمسي ، (اولون يكه) در . Oloun jéké . توراتك زعنه كوره آلتی بيك ياشنده اولان طفل مدنيتك قاني اولماسه بيله — چونكه اون قتل ايتك امكاني يوقدر اك بيوك ، ، اك مهلك جارجي اولان بو بلای دوپا ، اولون يكه نك رحم بي رحمن دن ۴۴۹ سنه هجريه سنده (ميلادي ۱۱۶۲) تسلط جواه دنيا اولدي . كوني معلوم ايسه هر سنه دوريه سنده ماتم طوتمق بالعموم انسانيته فرض اولان بر حادته زوجنك تحت اداره سنده كي چكوك قبيله قبائل متجاوزه طرفدن تخريب ايدل كدن صوكره (اولون يكه) قومك مقدراتي تنظيم ايتكه چالشه رق ، اوغلنك جهانكيرك تحت اسباب صعو . ديني احضار ايتدي . اولون يكه ، مقصدينه وصول ايجون هرواسطه دن استفاده ايدردي . حتى چنكيزك باباسي وفات ايتد كدن صوكره ، مونغول اعز ه سندن (منكليك) ايله ، صرف نفوذ معنويسندن استفاده ايجون تاهل ايتش ايدى . چنكيزك كرك سياستاده ، كرك عسكرك كده كي مهارت فوق العاده سي مظالمه افاضه نجابت ايتك شيوله طورسون ، يدخمراننده بر مدار اعتذار بيله اوله ماز .

مثلا (نرون) ك حساب وياسباب مظالمی صورلسه يدي قباغت دينه سني كوستره بيلير ويكي انتشار ايتكه باشلايان خرسيتيانلغك كندى ديني ايجون برتهلكه اولديغني درميان ايدردي . اسكندر كيبرده ناشر مدنيت اولق ادعاسيله ميدانه آتلمشدي . چنكيزك افعالنده نه دين غيرتي واردر ، نه مدنيت دردي ! اونك يالكز قان دوكمك ذوق ، مملكت ياقق اكلنجه سي ايدى . بو عالمده يتمش بش سنه ياشامش واون بش ياشندن اعتباراً خون و آتش ايجنده يووار . لاشمدي . آتمش سنه انسان قاني دوكدى . و انسان خانماني سوندردي . اولديرديكي افراد بشرك قسم اعظمي مسلمان و خاك ايله يكسان ايتديكي بلادك يوزده سكساني امت محمدله مسكون و بر عمران ايدى .